



# ATASSUT INATSIARTUNI

---

ATASSUT

UKA 2013/32-1

Gerhardt Petersen

15.10.13

**Utoqqalinersiuteqartut angerlarsimaffimmini ikiorteqartarnerminnut akiliisarunnaarnissaat siunertaralugu Inatsisartut peqqussutaat nr. 15, 20. november 2006-imeersumi § 29-ip allangortinneqarnissaa siunertaralugu Naalakkersuisut siunnersuummik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Kristian Jeremiassen, Siumut)

Utoqqalinersiuteqartut angerlarsimaffimmini ikiorteqartarnerminnut akiliisarunnaarnissaat siunertaralugu pisortanit ikiorsiissutit pillugit Inatsisartut peqqussutaat nr. 15, 20. november 2006-imeersup allangortinneqarnissaanik Siumut sinnerlugu Inatsisartuni ilaasortaq Kristian Jeremiassen matumani siunnersuuteqarpoq.

Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersumi kapitel 3-mi immikkoortoq 2-mi inunnut pensionit utoqqarnullu paaqqinniffiit il.il. pillugit Inatsisartut peqqussutaat nr. 8, 22. oktober 1990-imeersoq tunngavigalugu pensionisiaqartunut angerlarsimaffimmi ataavartumik ikiorteqartinneqartunut ikiorteqartinneqarnerminnullu akiliisanngitsunut pensioninut inummut tapitigut naleqqussaasoqarnissaanik aalajangersagaqarpoq.

ATASSUT-mit siunnersuut isummerfigitinnagu paaserusunnartipparput utoqqalinersiuteqartut qanoq annertutigisumik nanertuutissinneqartarsimanersut, ajornartorsiullu qanoq annertutiginersoq.

Utoqqalinersiallit angerlarsimaffimmi ikiorteqartarnerminni nammassinnaanngisaannik akiliisinneqartarsimappata siunnersuutip matuma nalilersorneqarnissaa aammalu suliarineqarnissaa



# ATASSUT INATSIARTUNI

---

siunertaralugu Inatsisartut Ilaqutariinnermut Ataatsimiititaliaanut aappassaaneerseqartinnagu  
suliassanngortinneqarnissaa ATASSUT-mit inassutigissavarput.